


Adroddiad Grŵp Prosiect BGC

Paratowyd gan Manon Horscroft Dyddiad: 7.06.2021

Amcan y Cynllun Llesiant	Galluogi pob plentyn i gael y dechrau gorau mewn bywyd Cefnogi parodrwydd rhieni drwy ymyrraeth gynnar, goresgyn anghydraddoldeb, a hybu dysgu cyfannol.	
Ein Gwerthoedd	Yr iaith Gymraeg, Mynd i'r Afael ag Anghydraddoldebau, Cynnwys, Cynladwyedd, Arwain Trwy Esiampl	
Enw'r Grŵp Prosiect	Cydleoli ac Integreiddio Gwasanaethau Rheng Flaen	
Cadeirydd Is-gadeirydd	Iwan Cray, Gwasanaeth Tân ac Achub Canolbarth a Gorllewin Cymru Peter Skitt, Bwrdd Iechyd Prifysgol Hywel Dda	

Aelodaeth y Grŵp Prosiect (Mae enwau mewn **print trwm** yn dynodi presenoldeb yn y cyfarfod)

Cyngor Sir Ceredigion (CSC)	Y Cynghorydd Catherine Hughes , Elen James, Diana Davies, Rob Starr, Michael Smith, Manon Horscroft, Lynne Walters , Rhian Owen, Rhian Lewis, Meinir Paske , Meinir Ebbsworth, Lowri Evans , Carwyn Young.	Heddlu Dyfed Powys	Yr Arolygydd Andrew Merry
GIG	Peter Skitt, Amanda Bainbridge , Lesley Hill, Liz Wilson, Rebecca Thomas, Natalie Vanderlinden, Vicky Wood, Barbara Morgan	Coleg Ceredigion	Helen Griffith
Gwasanaeth Tân Canolbarth a Gorllewin Cymru	Amy Richmond-Jones, Christine Robertson	Cymdeithas Gwasanaethau Gwirfoddol Ceredigion	Chesca Ross
Iechyd Cyhoeddus Cymru	Jan Batty	Aelodau ychwanegol	Rhys Penry-Williams

CRYNODEB O GYFARFOD Y GRŴP PROSIECT

Pwyntiau Allweddol a drafodwyd yng nghyfarfod y Grŵp Prosiect:

Hefyd yn bresennol: Mari Hopkins, Sera Llewelyn, Sara Humphreys, Alwyn Davies

Ymddiheuriadau: Steven Jones, Rebecca Thomas, Peter Skitt, Barbara Morgan, Cyra Shimell, Carwyn Young, Elen James.

Dechreuodd y Cadeirydd Iwan Cray(IC) y cyfarfod drwy groesawu'r holl aelodau. Cytunwyd bod y cofnodion yn gywir a rhoddodd Lynne Walters (LW) ddiweddariad ar yr holl bwyntiau gweithredu.

Model Darparu Gwasanaethau Integredig Cyngor Sir Ceredigion – Canolfannau Lles

Rhoddodd Alwyn Davies (AD) ddiweddariad i'r aelodau ar ran Carwyn Young. Ers y cyfarfod blaenorol, mae'r gwasanaeth eiddo wedi cynllunio pecyn tendro, a gyhoeddwyd am 14 diwrnod. Mewn ymateb, derbyniwyd cynigion tendro ac mae'r rhain yn cael eu hasesu ar hyn o bryd yn unol â'r fanyleb a'r meini prawf. Mae'r gwasanaeth erbyn hyn mewn sefyllfa i benodi pensaer i oruchwylio'r gwaith o ddylunio ac adeiladu'r Ganolfan Les. Ar ôl penodi, ac yn unol â'r gweithdrefnau caffael, bydd cyfnod callio o 10 diwrnod, a fydd yn gyfle i dderbyn unrhyw apeliadau. Yn dilyn y drefn hon, gall y gwaith ddechrau o ddifrif. Cadarnhaodd AD eu bod yn gobeithio symud ymlaen â'r prosiect cyn gynted â phosib, ac yn y cyfamser sefydlwyd tri grŵp cymorth. Mae'r grŵp cyntaf yn Grŵp Rheoli i oruchwylio'r datblygiad cyfan. Grŵp Adeiladu yw'r ail grŵp, sy'n cynnwys cynrychiolaeth o lechyd a Diogelwch ac Ysgolion, ac mae'r trydydd grŵp cymorth yn Grŵp Defnyddwyr, sy'n cynnwys cynrychiolaeth o'r Gwasanaethau Hamdden a'r Gwasanaethau Eiddo presennol, ac a fydd hefyd, maes o law, yn gobeithio ymestyn ei aelodaeth i gynnwys grwpiau defnyddwyr allanol. Ar hyn o bryd bydd y grwpiau hyn yn cwrdd bob mis i yrru'r prosiect ymlaen. Gorffennodd AD ei ddiweddariad drwy ddiolch i'r partneriaid a oedd wedi cyfrannu at eu hymgyngoriad defnyddwyr blaenorol er mwyn cynorthwyo i ddylunio ardal rheng flaen hyblyg, ac ail-gadarnhaodd bwysigrwydd adborth parhaus gan bartneriaid wrth iddyn nhw ddechrau ar y siwrnai i lansio'r Ganolfan Les gyntaf. Yn wir, os hoffai unrhyw bartner gael trafodaeth bellach gallent gysylltu ag Alwyn Davies neu Carwyn Young ar ôl y cyfarfod hwn.

GWEITHREDU: Carwyn Young i roi diweddariad pellach ar y Canolfannau Lles yn y cyfarfod nesaf.

Y Gronfa Cydnerthedd Gwirfoddoli – Canolfannau yn y gymuned

Cadarnhaodd Chesca Ross (CR) y byddai adroddiad ymgynghori a baratowyd gan Tammy Foley'n cael ei anfon i'r holl aelodau yn dilyn y cyfarfod heddiw. Rhoddodd CR ddiweddariad ar y gwaith, gan fanylu ar y gwaith a wnaed gan Tammy i ganfod ac asesu modelau llwyddiannus sydd ar waith ar hyn o bryd, yn ogystal â'i gwaith yn ystyried datblygu modelau. Erbyn hyn mae hi wedi edrych ar 5 Canolfan Gymunedol mewn ardaloedd gwahanol ar draws y DU, sef Hwb Canolfan Gymunedol Penparcau, BCT – Building Communities Trust, Canolfan Bromley by Bow, Model Cysylltwyr Cymunedol Cymdeithas Gwasanaethau Gwirfoddol

Sir Benfro (PAVS) a Chanolfan Gymunedol Harold Hill. Yn dilyn y cyfweiliadau hyn, nod yr adroddiad yw crynhoi'r themâu a'r elfennau llwyddiannus cyffredin, a rhoddir sylw arbennig i'r gwersi ymarferol a ddysgwyd wrth roi'r canolfannau ar waith. Roedd yr adroddiad hefyd yn myfyrio ar brofiadau'r Canolfannau Cymunedol hyn yn ystod cyfnod cynnar Covid-19, gan geisio nodi eu blaenoriaethau wrth inni obeithio symud ymlaen i'r cyfnod adfer. Y themâu cyffredin a gododd yn ystod y cyfweiliadau hyn oedd sefydlogrwydd ariannol, ei fod yn bartneriaeth gadarn o fewn y canolfannau cymunedol eu hunain, yn ogystal â'r partneriaid sy'n defnyddio'r canolfannau. Thema arall oedd Presgripsiynu Cymdeithasol, sy'n ddiddorol i Geredigion, a datblygiadau, oedd yn ymwneud â gweithio gyda Gweithwyr Cymdeithasol, staff lechyd, a chreu'r cysylltiadau cryf hyn. Mae'r rhan fwyaf o'r Canolfannau hyn wedi'u hadeiladu gan y Gymuned ac er mwyn cwrdd ag anghenion y gymuned. Mae llwyddiant yn dibynnu ar ymgysylltu â'r cymunedau hyn, canolbwyntio ar yr anghenion, a nodi'r anghenion hynny. I gloi, cadarnhaodd CR bod yna botensial i ymgymryd â gwaith ychwanegol gyda Tammy pan fydd yr amser yn iawn i ymgysylltu ymhellach â chymunedau.

GWEITHREDU: Chesca Ross i ddosbarthu'r Adroddiad ar Ganolfannau yn y gymuned ar ôl y cyfarfod.

Yn ogystal â'r wybodaeth uchod, dywedodd CR wrth aelodau'r Grŵp Prosiect fod lechyd Cyhoeddus Cymru'n gweithio gyda'u grwpiau rhanbarthol ar gwrs Hyfforddiant Datblygu Cymunedol seiliedig ar asedau. Mae trafodaethau'n cael eu cynnal hefyd i greu cwrs penodol ar gyfer Ceredigion, gyda dyddiadau posibl ar gael yng Ngorffennaf. Mae'r gwaith hwn yn gysylltiedig â datblygiad Tir Glas ym Mhrifysgol Llanbed, sydd newydd benodi swyddog prosiect, Hazel Thomas. Bydd manylion pellach am y cwrs hyfforddi'n cael eu rhannu gydag Aelodau'r Grŵp Prosiect gyda hyn, a chytunwyd y dylid gwahodd Hazel Thomas i roi cyflwyniad yn ystod cyfarfod o'r Grŵp Prosiect yn y dyfodol.

GWEITHREDU: Manylion y cwrs Hyfforddiant Datblygu Cymunedol i'w rannu gyda aelodau'r Grŵp Prosiect.

GWEITHREDU: Hazel Thomas i'w gwahodd i roi cyflwyniad yng nghyfarfod nesaf y Grŵp Prosiect.

Porth Cymorth Cynnar – Diweddariad gan y gwasanaeth a thrafodaeth ar flaenoriaethau allweddol y System Integredig ar gyfer y Blynnyddoedd Cynnar – Prosiect Braenaru

Rhoddodd Lowri Evans (LE) ddiweddariad a chadarnhaodd fod Wavehill Ltd wedi sicrhau'r tendr i werthuso'r prosiect hwn, a ariannir gan Lywodraeth Cymru. Erbyn hyn mae Wavehill Ltd wedi cynhyrchu adroddiad ar waith Integreiddio'r Blynnyddoedd Cynnar a'r Prosiect Braenaru yn ardaloedd Aberaeron, Cei Newydd, Y Borth, Llanbed a Thregaron. Cadarnodd LE fod yr adroddiad yn cael ei gyfieithu ar hyn o bryd ac unwaith y caiff ei dderbyn yn ddwyieithog, bydd yr adroddiad yn cael ei ddosbarthu i aelodau'r Grŵp Prosiect. Pwrpas y gwerthusiad, sy'n rhan annatod o amodau'r grant, oedd casglu adborth gan staff a rhieni ar yr hyn sy'n gweithio'n dda, yr hyn sydd angen ei newid, a syniadau posib ar gyfer y ddarpariaeth yn y dyfodol. Cwblhaodd y staff arolwg a chafwyd adborth positif ar integreiddio'r ddarpariaeth o wasanaethau. Cafodd Rhieni a Gwarcheidwaid eu cyfweild yn rhithwir hefyd ac er bod y canfyddiadau'n cadarnhau bod yna gefnogaeth gyffredinol i'r cynllun peilot integredig newydd, gwnaed rhai sylwadau oedd yn dangos nad oeddent yn deall manylion yr holl newidiadau a

wnaed ers i'r gwaith hwn ddechrau. Mae angen gwaith pellach ac yn wir mae nifer o staff, rhieni a gwarcheidwaid o'r farn y bydd nifer o'r problemau a wynebwyd ganddynt wrth ddarparu neu gael mynediad at wasanaethau yn lleihau unwaith bod y cyfyngiadau Covid-19 wedi'u codi.

GWEITHREDU: Bydd Adroddiad ar y Gwerthusiad o waith Integreiddio'r Blynyddoedd Cynnar a Braenaru gan Wavehill Ltd yn cael ei ddsbarthu i aelodau'r Grŵp Prosiect unwaith ei fod wedi'i gyfieithu.

Dywedodd Rob Starr (RS) fod yna gyfle i gysylltu'r darn hwn o waith â'r Asesiad o Lesiant Lleol, a chytunwyd y byddai RS ac LE yn cwrdd tu allan i'r cyfarfod hwn i drafod y cyfle ymhellach a threfnu i drosglwyddo'r data cyfnewid i'r Tîm Ymchwil.

GWEITHREDU: Rob Starr a Lowri Evans i drafod ymhellach ar ôl y cyfarfod.

Gweithdy Ymgysylltu – Asesiad o Lesiant Lleol

Arweiniodd RS, Michael Smith (MS) a Mari Hopkins (MH) weithdy rhyngweithiol ar gyfer yr aelodau ar yr Asesiad o Lesiant Lleol, a fydd yn cael ei gyhoeddi ym Mawrth 2022. Yn dilyn cyflwyniad, gofynnwyd i'r aelodau ystyried 3 chwestiwn allweddol a rannwyd gydag aelodau'r grŵp prosiect cyn y cyfarfod. Hefyd, gofynnwyd i'r aelodau ystyried pa ddata neu ymchwil y gallai eu sefydliadau unigol gael mynediad ato, a allai fod o fudd wrth lunio'r Asesiad o Lesiant Lleol. Gofynnwyd bod unrhyw adborth a manylion am waith blaenorol yn cael ei anfon at performanceresearch@ceredigion.gov.uk.

Mae manylion y drafodaeth hon wedi'u cofnodi ar wahân gan y Tîm Ymchwil sydd yn y broses o ymweld â phob grŵp prosiect.

GWEITHREDU: Yr Aelodau i ystyried pa ddata ac ymchwil all fod gan eu sefydliadau i helpu i lunio'r Asesiad o Lesiant Lleol.

GWEITHREDU: Cyflwyniad y gweithdy a ddarparwyd i'w ddsbarthu i'r aelodau ar ôl y cyfarfod hwn.

Trafoaeth ar Ethol Cadeirydd ac Is-gadeirydd

Gofynnodd y Cadeirydd i aelodau'r Grŵp Prosiect ystyried enwebu enwau newydd i fod yn Gadeirydd ac Is-gadeirydd y Grŵp Prosiect.

GWEITHREDU: Yr Aelodau i ystyried enwau ac enwebiadau ar gyfer Cadeirydd ac Is-gadeirydd newydd.

GWEITHREDU: Y drafodaeth ar Ethol Cadeirydd ac Is-gadeirydd i ail-ddechrau yng nghyfarfod nesaf y Grŵp Prosiect.

Cyfarfodydd nesaf:

26ain Gorffennaf, 2021

1af Tachwedd, 2021

CAMAU GWEITHREDU YN Y CYNLLUN LLESIANT LLEOL O DAN YR AMCAN HWN

Cam Gweithredu Byrdymor	Cam Gweithredu Tymor Canolig	Cam Gweithredu Hirdymor
Ymgymryd ag ymarfer cwmpasu er mwyn ymchwilio i fanteisio cydleoli ac integreiddio gwasanaethau rheng flaen, gan ganolbwyntio yn y lle cyntaf ar y blynyddoedd cynnar a gweithio tuag at fodel sy'n cynnig arfer gorau ar draws y sir.	Rhoi model gwasanaethau integredig gydol oed ar waith yng Ngheredigion, a ddarperir drwy bartneriaid y BGC yn y lle cyntaf ac a gaiff ei rannu fel bo'n briodol gyda phartneriaid cyflenwi ychwanegol ledled y sir.	Sicrhau bod gan wasanaethau cyffredinol ddigon o adnoddau a'u bod yn cael eu defnyddio gan bawb.

CYNLLUN GWEITHREDU: EBRILL 2020 – MAWRTH 2021

ALLWEDD	
GWYRDD	Ar waith ac ar y trywydd iawn
OREN	Ar waith ond ceir rhai pryderon ac mae angen monitro'n agos
COCH	Ar waith ond pryderon mawr ac mae angen cymryd camau unioni
GLAS	Wedi'i atal am y tro
DU	Wedi dod i ben

CAM 1: Canolbwyntio ar raglenni, strategaethau a pholisïau sydd wedi'u hanelu at gyd-gynhyrchu system integredig ar gyfer y Blynyddoedd Cynnar

	Gweithgaredd	Erbyn pryd	Sylwadau
1.1	Adolygu'r diweddariadau rheolaidd o ran y Rhaglen Beilot Braenaru ac ystyried y ddarpariaeth leol.	Yn parhau	Daw'r wybodaeth ddiweddaraf i law ym mhob cyfarfod, ac yn dilyn trafodaethau am y trefniadau ariannu a'r ddarpariaeth bresennol, caiff blaenoriaethau allweddol eu nodi cyn y cyfarfod

			ym mis Mawrth. Mae'r cynnig ar gyfer y cam nesaf wedi'i gyflwyno i LIC ei gymeradwyo.
1.2	Annog mewnbwn uniongyrchol gan bartneriaid wrth ddatblygu Strategaeth Ranbarthol y Blynyddoedd Cynnar.	Ionawr 2021	Gofynnwyd am adborth gan y partneriaid ar ôl y cyfarfod. Mae Wavehill Ltd wedi'i gomisiynu i gasglu adborth teuluoedd a bydd hwn yn cael ei rannu gyda'r grŵp prosiect ar fformat cryno.
1.3	Cyfrannu'n uniongyrchol at ddatblygu systemau gwaith integredig sydd wedi'u lleoli ar lefel leol yn ein cymunedau.	Mawrth 2021	Megis dechrau y mae'r gwaith hwn ond ail-gadarnhaodd y partneriaid eu hymrwymiad i ystyried ffyrdd newydd o weithio ar y cyd, a chytunwyd i ystyried lleoliadau ar draws y Sir wrth i fwy o eglurder ddod o du Llywodraeth Cymru. Mae ymgynghoriad LIC wrthi ar hyn o bryd yn ystyried ardaloedd ar draws Cymru, a dechreuwyd ar y broses o gyflwyno'r cynllun yn raddol o fewn ardaloedd peilot. Croesewir yr ystyriaeth o fodolau posib yng Ngheredigion.
1.4	Cymryd rhan mewn trafodaethau ar yr Aseiad o Lesiant Lleol	Mehefin 2021	Holl aelodau'r grŵp prosiect i gymryd rhan yn y sesiynau ymgysylltu ar yr Aseiad o Lesiant Lleol, ac ymgysylltu â chydweithwyr i nodi data ac ymchwil i gynorthwyo gyda'r gwaith hwn.

CAM 2: Cefnogi sefydlu'r Canolfannau Llesiant mewn modd integredig

Gweithgaredd		Erbyn pryd	Sylwadau
2.1	Derbyn diweddariadau rheolaidd gan bartneriaid a darparu mewnbwn y partneriaid wrth ddatblygu'r canolfannau llesiant.	Yn parhau	Bydd gwaith ymgysylltu hanfodol â phartneriaid yn dechrau pan ystyrir bod yr amser yn briodol a disgwylir y bydd y ganolfan gyntaf wedi'i chwblhau erbyn Mehefin 2022.
2.2	Ymgynghori ar y camau allweddol sy'n ymwneud â darparu gwasanaethau uniongyrchol o fewn y canolfannau llesiant (gan ddechrau gyda gwasanaethau'r ALI).	Ionawr 2021	Cynhaliwyd ymgynghoriad mewnol manwl ar y Model Gydol Oed ac mae trafodaethau bellach yn mynd rhagddynt i gomisiynu Penseiri. Mae cynlluniau llawr cychwynnol wedi'u cwblhau a bydd Tindr yn cael ei ryddhau nawr er mwyn comisiynu Penseiri.

2.3	Ystyried unrhyw ofynion ymchwil sy'n ymwneud yn uniongyrchol â darparu gwasanaethau yn y dyfodol. Canolbwyntio ar les preswylwyr a chefnogi anghenion economaidd a chymdeithasol ledled y sir.	Mawrth 2021	Mae'r gwaith hwn yn gysylltiedig â gwaith ymgynghori a gomisiynwyd o dan Gronfa Cydnerthedd Gwirfoddoli CAVO a disgwylir adroddiad yn manylu ar wahanol fodelau. Cwblhawyd yr adroddiad hwn gan Tammy Foley a rhannwyd y canfyddiadau ag aelodau'r grŵp prosiect. Bydd cyfleoedd ar gael i ymgymryd â gwaith pellach pan ystyrir bod hynny'n briodol.
2.4	Gwella'r canolfannau llesiant drwy nodi'r is-ganolfannau sy'n uniongyrchol gysylltiedig â'r hyn a ddarperir a ddarperir gan bartneriaid.	Mawrth 2021	Mae'r Ganolfan Les newydd yn cael ei dylunio gyda hyblygrwydd mewn golwg er mwyn gallu ymateb i ofynion gwasanaethau. Rhoddir pwyslais hefyd ar nodi is-ganolfannau a fydd yn cysylltu'r Ganolfan ag ardaloedd a chyfleusterau eraill yn yr ardal gyfagos.
2.5	Sefydliadau sy'n bartneriaid i ymgysylltu â'r Grŵp Defnyddwyr a sefydlwyd i gynorthwyo i ddatblygu'r Ganolfan Les.	Gorff. 2021	Aelodau'r grŵp prosiect i ystyried sut maen nhw'n cymryd rhan yn y trafodaethau wrth i'r prosiect hwn symud yn ei flaen.

CAM 3 : Ystyried ac ymchwilio i fodelau hybrid posibl ar gyfer darparu gwasanaethau i gymunedau.

	Gweithgaredd	Erbyn pryd	Sylwadau
3.1	Cynnal asesiad o'r cyfeiriad strategol a amlinellwyd gan Lywodraeth Cymru mewn perthynas â sefydlu canolfannau cymunedol. Datblygu gwybodaeth a dealltwriaeth o ran uchelgais Llywodraeth Cymru, sy'n dymuno "gweld oddeutu 30% o weithwyr Cymru'n gweithio o gartref neu yn agos at eu cartrefi yn y tymor hir." Dywedodd Llywodraeth Cymru ei bod am roi "mwy o hyblygrwydd i weithwyr i weithio o bell" a honnodd y gallai hyn "ysgogi adfywiad	Mawrth 2021	Mae'r gwaith hwn, sy'n seiliedig ar gynnig gan Lywodraeth Cymru yn parhau, ond mae'n dibynnu ar dderbyn canllawiau pellach. Gall y gwaith paratoi ddechrau a'r bwriad yw cyfrannu at y trafodaethau wrth iddynt fynd rhagddynt.

	<i>a gweithgaredd economaidd mewn cymunedau</i> ".		
3.2	Cynnal gwaith cwmpasu cychwynnol a datblygu trafodaethau gyda phartneriaid yn seiliedig ar y model hybrid, sy'n cynnwys y sector cyhoeddus, y sector preifat a'r trydydd sector.	Mawrth 2021	Cwblhawyd yr ymchwil cychwynnol sy'n cael ei wneud gan Lywodraeth Cymru ar 26ain Mawrth. Mae LIC wedi cyhoeddi ei hardaloedd peilot ar gyfer cam 1 ond disgwylir cyhoeddiadau pellach yn seiliedig ar ddata'r ymchwil.
3.3	Ymgymryd â'r gwaith o fapio asedau partneriaid er mwyn cefnogi hybiau gwaith yn y gymuned, gan gysylltu cyfraniadau positif cydleoliadau o ran y sector cyhoeddus, y sector preifat a'r sector gwirfoddol.	Mawrth 2021	Mae'r gwaith hwn yn gysylltiedig ag ymchwil sy'n cael ei wneud drwy'r Gronfa Cydnerthedd Gwirfoddoli a disgwylir adroddiad.
3.4			

BGC: PENDERFYNIADAU A RISGIAU

Penderfyniadau sydd angen eu gwneud neu risgiau y mae angen tynnu sylw'r BGC atynt.